

Trawsnewidiad Cenedlaethol Dogfennaeth Nyrsio

Frances Beadle ^{a,1}

^aGwasanaeth Gwybodeg GIG Cymru

Cyflwyniad

Mae diffyg safoni dogfennaeth nyrsio gan fod safonau dogfennu gwael (Arolygiaeth Gofal Iechyd Cymru, 2014/2013; Ymddiried mewn Gofal, 2014). Nod y Rhaglen dogfennau e-nyrsio genedlaethol oedd safoni dogfennau nyrsio i wella cywirdeb cofnodion a sicrhau bod gan nyrsys fwy o amser i gofalu am eu cleifion.

Cyflawnwyd safoni dogfennau nyrsio a datblygu platfform digidol integredig i gydymffurfio â'r cod ymarfer nyrsio i gadw cofnodion clir, cywir, cryno a chyfoes am gleifion (Cyngor Nyrsio a Bydwreigiaeth, 2015) i wella diogelwch cleifion a lleihau niwed.

Dull

Mae cyflwyno rolau Gwybodeg Nyrsio ym myrddau iechyd/ymddiriedolaethau wedi cefnogi ymgysylltu lleol a chenedlaethol a alluogodd ddatblygiad cyflym asesiadau risg craidd safonedig cenedlaethol yn seiliedig ar dystiolaeth gydag iaith nyrsio genedlaethol. Roedd cyflwyno'r rolau newydd yn cefnogi'r dystiolaeth a nodwyd yn Adroddiad Topol (2019) i ymgorffori rolau clinigol wrth ddatblygu technoleg a'i gweithredu wedi hynny.

Ochr yn ochr â'r rolau newydd, sefydlwyd proses lywodraethu gyda rhanddeiliaid allweddol o feysydd nyrsio, iechyd, gofal cymdeithasol a chleifion i fynd i'r afael â safonau gwybodaeth, diogelwch cleifion a chynllunio i sicrhau alinio a chymeradwyo cefnogi'r gwaith o safoni a dylunio technoleg ddigidol.

Corff

Defnyddiwyd arfer cyfoes ar sail tystiolaeth i gefnogi gwell canlyniadau i gleifion er mwyn datblygu asesiadau safonedig cenedlaethol sydd hefyd yn cefnogi cynnydd mewn boddhad i nyrsys a chleifion trwy leihau cwestiynu ailadroddus. Cefnogwyd adolygiad o'r dystiolaeth gyfoes gan grwpiau amlddisgyblaethol arbenigol a gafodd y dasg o nodi argymhelliad ar sail y dystiolaeth orau i Gyfarwyddwyr Nyrsio GIG Cymru ei gymeradwyo. Arweiniodd hyn at asesiadau safonedig ac un iaith nyrsio yn genedlaethol:

Er mwyn cefnogi mabwysiadu'r asesiadau a'r iaith yn genedlaethol, cyhoeddwyd Cylchlythyr Iechyd Llywodraeth Cymru. Mae ffurflenni safonedig yn cael eu defnyddio yn ddigidol ac ar bapur i gefnogi'r gwaith o drosglwyddo gofal, a chynnal yr iaith nyrsio safonol yn genedlaethol wrth barhau i gyflwyno'r platfform digidol cenedlaethol.

Casgliadau

Roedd y rhaglen gydweithredol 18 mis hon yn cynnwys defnyddwyr gweithredol a nyrsio a gefnogwyd gan dimau amlddisgyblaethol ledled Cymru i gyflawni'r canlynol:

- Cyflwyno prosesau llywodraethu cadarn
- Cyflwyno rolau Gwybodeg Nyrsio Cenedlaethol
- Iaith nyrsio safonedig genedlaethol
- Asesiadau risg safonedig cenedlaethol ar sail tystiolaeth
- Datrysiaid digidol addas at y diben sy'n cefnogi gofal diogel ac effeithiol i gleifion
- Cyflwyno platfform digidol cenedlaethol
- Cynnydd yn y broses o fabwysiadu technoleg trwy nyrsio yn seiliedig ar gynllunio sy'n canolbwyntio ar y defnyddiwr

Mae datblygu dull strategol cenedlaethol tuag at dechnoleg ddigidol a safonau gwybodaeth nyrsio wedi llywio'r gwaith o gyflwyno iaith nyrsio safonol ochr yn ochr â phlatfform digidol mewn cyfnod byr. Cyflawnwyd hyn gyda chydweithredu a llywodraethu helaeth. Y ffactor allweddol a sicrhodd llwyddiant oedd cyflwyno swyddi gwybodeg nyrsio arweiniol newydd i gefnogi penderfyniadau nyrsio a'u mabwysiadu o bob lefel o'r maes nyrsio.

¹Frances Beadle, Cyfarwyddiaeth Gwybodeg Glinigol, Gwasanaeth Gwybodeg GIG Cymru, 21 Heol Ddwyreiniol y Bont-faen, Caerdydd, CF11 9AD, Cymru; E-bost: frances.beadle@wales.nhs.uk

Allweddeiriau

Cenedlaethol, Iaith nyrsio, gwybodeg nyrsio, safoni